

sonam, nobis exhibere. Sed posthabito prorsus neglectoque examine, quod unus vel alter ex Testibus in Ordinaria Inquisitione subiit, in medium afferre debent testimonium illud solummodo, quod coram Iudicibus ab Apostolica Sede delegatis tulerunt.

- 6 Atque ne quis arbitretur, me temere hoc asserere, oculos, quaeso, convertant Patres Amplissimi ad Testem *Franciscum Sansium*, apud quem triennii spatio Exomologesim suam fecit Venerabilis Dei Famulus. Hic enim, postquam non semel, sed tertio in Ordinaria instituta Inquisitione testimonium dixerat (est quippe Testis in Catalogo descriptus *sub numer. XXXVII. LXXVIII. CX XVII.*) bis iterum in Apostol. examen subiit, illiisque proinde nomen in Catalogo legitur *sub num. I & XXVII.* Ita pariter *Franciscus de Escamilla* alter Servi Dei Confessarius Apostolica *senel. sub num. IV.*, bis Ordinaria auctoritate examinatus, non unus, sed duplex Testis apparet *sub num. XXXVIII., & LXXXI.* Et tandem *Maria Anna Garzo*, & *Jacobus Bovacer*, duorum tantum Testium loco haberi debent, licet illorum examen ab Ordinariis Iudicibus bis fuerit exceptum, quemadmodum videre est *sub num. LXIV. LXXXI. LXXXII. & XC.*
- 7 Quisque igitur Summarium attente perlustrare velit, facile intelliget, quidnam in illo conficiendo ornandoque egerint Postulatores. Nam, ne forte quis existimaret, paucos admodum inveniri Testes contentes in iis recensendis actibus, qui excellentiam praefecerunt atque heroicam, veriti non sunt sub unoquoque Titulo eorundem Testium depositiones ad uniusmet rei probationem bis terve afferre, ita ut una eademque persona sit Testis insimul, atque sibiimetipso contentis. Hoc autem potissimum contingere animadverti quoad personam *Francisci Sansi*, quum Summarium percurrerem *sub num. 11. pag. 36. §. 1. pag. 39. §. 18. num. 12. pag. 42. §. 1. pag. 43. §. 7. & §. 9. num. 14. pag. 47. in fin. pag. 52. §. 25. & 26. num. 15. pag. 57. §. 1. pag. 58. §. 9. num. 16. pag. 62. §. 1. pag. 65. §. 17. pag. 66. §. 20. num. 17. pag. 76. §. 1. pag. 81. §. 26. pag. 82. §. 29. num. 18. pag. 89. §. 1. pag. 90. §. 7. & alibi per tot.* Idipsum etiam servatum fuisse conspicitur in *Elencho Actuum specialium, praeter. Respons. pag. 9. pag. 13. pag. 15. pag. 40. & alibi.*
- 8 Hinc intelligit Clarissimi Viri, quibus nunc primum Causae hujus patrocinium commissum est, quid ipsis agendum sit, si ostendere velint, Venerabilem Dei Famulum in omni Virtutum exercitio heroicam fastigium attingisse. Onus illorum erit novum conficere non modo Testium Catalogum, in quo oculati tantum Testes recensentur, ut quilibet percipere possit, quinam in alterutra, quinam in utraque Inquisitione suas comparaverit depositiones; verum etiam Elenchum contexere Actuum specialium, quos communem piorum Hominum vivendi rationem longe exsuperare existimabant, praefatosque actus non unius ejusdemque Testis, sed plurimum Testium testimoniiis confirmare.
- 9 Ne autem cogantur praestantissimi Viri illas Testium depositiones prorsus reiterare, quas expleto jam absolutoque primo examine fecisse supra vidimus in eadem Inquisitione, demonstrare omnino debent, non a Causae Procuratore praefatos Testes iterum fuisse inductos, sed a Iudicibus ex officio vocatos, ut nonnulla obscura fortasse nimis, implexa, & incerta explicarent vel panderent; nec praeterea interrogatos fuisse super omnibus iisdem Articulis, quibus in priori examine satis jam fecerant. Secus enim nulla haec Testibus esset auctoritas concedenda, quum haud liceat Testes examinatos iterum reproducere, novoque examini subiicere super iisdem, de